

VENDIM
Nr.1114, datë 30.7.2008
I NDRYSHUAR

PËR DISA ÇËSHTJE NË ZBATIM TË LIGJEVE NR.7703, DATË 11. 5.1993 "PËR SIGURIMET SHOQËRORE NË REPUBLIKËN E SHQIPËRISË", TË NDRYSHUAR, NR.9136, DATË 11.9.2003 "PËR MBLEDHJEN E KONTRIBUTEVE TË DETYRUESHME TË SIGURIMEVE SHOQËRORE DHE SHËNDETËSORE NË REPUBLIKËN E SHQIPËRISË", TË NDRYSHUAR, **TE LIGJIT NR. 10383, DATE 24.2.2011 "PËR SIGURIMIN E DETYRUESHËM TE KUJDESIT SHËNDETËSOR NE REPUBLIKEN E SHQIPERISE", TE NDRYSHUAR.**

(Ndryshuar me Vendim Nr. 73, dt. 12.2.2014 , botuar ne Fl. Z. Nr. 21, dt. 03 mars 2014).

Në mbështetje të nenit 100 të Kushtetutës, të ligjit nr.7703, datë 11.5.1993 "Për sigurimet shoqërore në Republikën e Shqipërisë", të ndryshuar, dhe të ligjit nr.7870, datë 13.10.1994 "Për sigurimet shëndetësore në Republikën e Shqipërisë", të ndryshuar, me propozimin e Ministrit të Financave, Këshilli i Ministrave

VENDOSI:

I. MBROJTJA DHE SIGURIMI I DETYRUESHËM

1. Në mbështetje të neneve 2, 7 e 9 të ligjit nr.7703, datë 11.5.1993 "Për sigurimet shoqërore në Republikën e Shqipërisë", të ndryshuar, dhe të neneve 7 e 8 **të ligjit nr. 10383, datë 24.2.2011 "Për sigurimin e detyrueshëm të kujdesit shëndetësor në Republikën e Shqipërisë", të ndryshuar**, quhen persona të mbrojtur:

(Ndryshuar me Vendim Nr. 73, dt. 12.2.2014 , botuar ne Fl. Z. Nr. 21, dt. 03 mars 2014).

a) të punësuarit me mandat kushtetues, të punësuarit e emëruar, të punësuarit me kontratë pune, pa afat ose me afat më shumë se një muaj, që punojnë me kohë të plotë ose të pjesshme, për më shumë se 87 orë në muaj, të cilët sigurohen në mënyrë të detyrueshme për sëmundje, barrë lindje, pensione, aksidente në punë e sëmundje profesionale, papunësinë dhe sigurimin shëndetësor;

b) të punësuarit me kontratë pune, me ose pa afat, por me kohë të pjesshme, që zgjat më pak se 87 orë në muaj, të cilët sigurohen në mënyrë të detyrueshme, por jo më pak se niveli minimal, për barrë lindje, pensione, aksidente në punë e sëmundje profesionale dhe në sigurimin shëndetësor;

c) të punësuarit me kontratë pune, me afat më pak se një javë gjatë vitit, me kohë të plotë ose të pjesshme ditore, të cilët sigurohen në mënyrë të detyrueshme, në nivelin minimal, për aksidente në punë, sëmundje profesionale dhe sigurim shëndetësor;

ç) pronarët e personave juridikë, që ushtrojnë funksione drejtuese në shoqëri, si administratorë apo çdo funksion tjetër, të cilët, si të punësuar pranë shoqërisë, sigurohen në mënyrë të detyrueshme për sëmundje, barrë lindje, pensione, aksidente në punë e sëmundje profesionale, papunësinë dhe sigurim shëndetësor;

d) personat fizikë, të vetëpunësuar, që ushtrojnë veprimtari ekonomike, pavarësisht nga kohëzgjatja e saj, të cilët sigurohen në mënyrë të detyrueshme për barrë lindje, pensione dhe sigurim shëndetësor;

dh) të vetëpunësuarit në bujqësi, të aftë për punë, që kanë mbushur moshën 16 vjeç, deri në moshën për pension, sipas nenit të ligjit nr. 10383, datë 24.2.2011 "Për sigurimin e detyrueshëm të kujdesit shëndetësor në Republikën e Shqipërisë", të ndryshuar, kur:
(Ndryshuar me Vendim Nr. 73, dt. 12.2.2014 , botuar ne FI. Z. Nr. 21, dt. 03 mars 2014).

i) nuk janë të siguruar nga punësimi në sektorë të tjerë, banojnë në të njëjtin nënqark, ku kanë tokën, në pronësi ose në përdorim, dhe zhvillojnë veprimtari bujqësore e blegtorale, të cilët sigurohen në mënyrë të detyrueshme, për barrë lindje, për pensione dhe për sigurim shëndetësor.

ii) nuk janë të siguruar nga punësimi në sektorë të tjerë, banojnë në fshat dhe zhvillojnë veprimtari, bujqësore e blegtorale, edhe nëse kanë tokë, në pronësi ose në përdorim, me vendndodhje në nënqarkun fqinj, të cilët sigurohen në mënyrë të detyrueshme, për barrë lindje, për pensione dhe për sigurim shëndetësor;

e) pjesëtarët e familjes, që nuk trajtohen me pagë, por që punojnë e bashkëjetojnë me të vetëpunësuarin, të cilët sigurohen në mënyrë të detyrueshme, në nivel minimal, për barrë lindje, për pensione dhe sigurim shëndetësor;

ë) personat mbi 16 vjet, që punojnë në ndërtime të ulëta vetjake, sipas përcaktimeve në paragrafin e fundit të nenit 20 të ligjit nr.8438, datë 28.12.1998 " Për tatimin mbi të ardhurat", të ndryshuar, për të cilat jepet leje nga komuna ose bashkia, të cilët sigurohen në mënyrë të detyrueshme për sëmundje, barrë lindje, pensione, aksidente në punë e sëmundje profesionale, papunësinë dhe sigurim shëndetësor;

f) personat fizikë, të vetëpunësuar në veprimtari, tregtare apo shërbimi, ambulantë, që kanë mbushur moshën 16 vjeç, kur nuk janë të siguruar si punëmarrës a si të vetëpunësuar në veprimtari ekonomike të vijueshme, sigurohen, në mënyrë të detyrueshme, vetëm për degën e pensioneve dhe për sigurim shëndetësor.

(Ndryshuar me Vendim Nr. 73, dt. 12.2.2014 , botuar ne FI. Z. Nr. 21, dt. 03 mars 2014).

Si persona të vetëpunësuar në veprimtari tregtare apo shërbimi, ambulante, janë personat, që vetëpunësohen në veprimtari:

i) të përkohshme e të vijueshme, por pa një vendqëndrim apo shërbimi, të përcaktuar;

ii) të përkohshme e me ndërprerje gjatë javës, por pa një vendqëndrim apo shërbimi, të përcaktuar;

iii) të vijueshme, në veprimtari tregtare në tezga, pa një vendqëndrim të përhershëm ose në mjete, që lëvizin;

iv) të vijueshme, në veprimtari transporti, me ndërprerje gjatë javës.

g) Të punësuarit që punojnë me kohë të plotë apo të pjesshme pune, si punëtorë shtëpie në familjet e të tjerëve, sigurohen në mënyrë të detyrueshme vetëm për degën e pensioneve dhe për sigurim shëndetësor, që punësohen nga kryefamiljari për, në punë të tilla, si kujdestar për fëmijët kuzhinier, pastrues, rojë-administratör shtëpie, asistent për të moshuarit, ...etj, apo dhe në shërbime të ndryshme, të kësaj natyre.

(Ndryshuar me Vendim nr.1477, dt. 12.11.2008, botuar në FI. Z. Nr. 177 dt. 02.12.2008)

(Ndryshuar me Vendim Nr. 73, dt. 12.2.2014 , botuar ne FI. Z. Nr. 21, dt. 03 mars 2014).

2. Personat me të ardhura të rregullta nga pronësia, mbi 16 vjeç, të cilët paguajnë kontribut të detyrueshëm vetëm për sigurimin shëndetësor.

3. Nxënësit e shkollave të mesme apo profesionale dhe studentët, për kohën e programuar të praktikës mësimore, të cilët sigurohen nga punëdhënësi vetëm për aksidentet në punë, për atë kohë sa është përcaktuar në kontratën e lidhur ndërmjet subjektit dhe institucionit përgjegjës.

Punëtorët e punësuar për herë të parë në një profesion të caktuar, në subjekte, që punojnë me material porositësi (fason), për kohën e programuar të formimit profesional, për të kryer punë të kualifikuara, në rastet kur punëdhënësi nuk përfiton financime nga zyra përkatëse e punësimit, sipas përcaktimeve të vendimit nr. 47, datë 16.1.2008 të Këshillit të Ministrave “Për programin e nxitjes së punësimit, nëpërmjet formimit profesional, sigurohen vetëm për aksidente dhe sëmundje profesionale.

(Ndryshuar me Vendim nr.1477, dt. 12.11.2008, botuar në FI. Z. Nr. 177 dt. 02.12.2008)

4. Shtetasit e huaj dhe personat pa shtetësi, të punësuar, punëdhënësit ose të vetëpunësuar, në subjekte të regjistruara për efekte fiskale në Republikën e Shqipërisë, mbrohen dhe sigurohen, në mënyrë të detyrueshme, sipas përcaktimeve në pikën 1 të këtij kreu.

5. Nga mbrojtja dhe sigurimi i detyrueshëm përjashtohen shtetasit e huaj:

a) që punojnë në subjekte, të cilat, në bazë të një marrëveshjeje, nuk kanë detyrimin për t'u regjistruar në organet tatimore shqiptare;

b) pjesëtarë të subjekteve të huaja, që nuk kanë detyrimin për t'u regjistruar në organet tatimore shqiptare, të cilët vijnë në Shqipëri të punojnë në një punë apo shërbim të caktuar, sipas një kontrate shërbimi, të lidhur me një subjekt të regjistruar në organet tatimore shqiptare, i cili nuk është degë apo njësi e subjektit kontraktor.

c) me rezidencë të përhershme jashtë territorit të Shqipërisë, të cilët kanë veprimtari të regjistruara në emrin e tyre, në të dyja shtetet, do të jenë subjekt i mbrojtjes dhe sigurimit të detyrueshëm në atë vend ku kanë rezidencën, vetëm nëse shteti i tyre ka një marrëveshje në fushën e sigurimeve shoqërore me shtetin shqiptar;

ç) që janë të përjashtuar nga pagimi i kontributeve të sigurimeve shoqërore e shëndetësore, në Shqipëri, në bazë të një marrëveshjeje, të lidhur me shtetin shqiptar.

II. PAGA BRUTO DHE PAGA MINIMALE

1. Paga bruto, për efekt të llogaritjes së kontributeve të sigurimeve shoqërore e shëndetësore, është paga e caktuar sipas legjislacionit në fuqi ose në kontratën e punës, sipas rastit, me kohë ose vëllim pune, dhe shtesat e tjera, me karakter të përhershëm, që lindin nga marrëdhëniet e punës. Paga bruto evidentohet në listëpagesën tip, e cila është dokumenti bazë për evidentimin e kontributeve individuale.

Në pagën bruto, për efekt të llogaritjes së kontributeve të sigurimeve, shoqërore e shëndetësore, nuk përfshihen:

a) përfitimet që punëmarrësi merr, në mënyrë të përhershme, nga fondet e sigurimeve shoqërore;

- b) kompensimet nga rritja e çmimeve;
- c) dhuratat në të holla, që nuk kanë karakter të përhershëm dhe të përgjithshëm;
- ç) të ardhurat nga detyrimi ushqimor, të caktuara me vendim gjykate;
- d) vlera e antidoteve, që punëdhënësi jep në natyrë për personat e punësuar, sipas legjislacionit në fuqi;
- dh) shpërblimet me karakter jo të përhershëm, të lejuara në mbështetje të legjislacionit në fuqi, shpërblimet nga fondi i veçantë, për rastet e fatkeqësive në familje, për sëmundje të gjata, për dëme, në raste fatkeqësish të mëdha natyrore, e për veprimtari të shquara;
- e) vlera e shpenzimeve, për të punësuarit, që kryejnë veprimtari jashtë qendrës së banimit;
- ë) honoraret apo shpërblimet e tjera, të kësaj natyre, që nuk kanë lidhje me marrëdhëniet aktuale të punës.

2. Paga minimale mujore, për efekt të llogaritjes së kontributeve të sigurimeve shoqërore e shëndetësore, nga data 1.8.2014 e në vazhdim, të jetë jo më pak se 19 406 (nëntëmbëdhjetë mijë e katërqind e gjashtë) lekë. Paga maksimale mujore, për efekt të llogaritjes së kontributit të sigurimeve shoqërore, nga data 1.8.2014 e në vazhdim, të jetë 97 030 (nëntëdhjetë e shtatë mijë e tridhjetë) lekë. Paga maksimale mujore, për efekt të llogaritjes së kontributit të sigurimeve shëndetësore, nga data 1.8.2014 e në vazhdim, të jetë paga bruto, sipas përcaktimeve në pikën 1, të kreut II, "Paga bruto dhe paga minimale".

(Ndryshuar me Vendim Nr. 457, datë 09.07.2014, botuar në Fletoren Zyrtare Nr. 112, datë 21 korrik 2014).

Për të punësuarit, marrëdhëniet e punës së të cilëve rregullohen me ligjin nr. 7961, datë 12.7.1995 "Kodi i Punës i Republikës së Shqipërisë", të ndryshuar, paga minimale mujore për llogaritjen e kontributeve të sigurimeve shoqërore e shëndetësore është ajo e përcaktuar nga Këshilli i Ministrave, në zbatim të nenit 111 të ligjit të sipërpërmendur, e cila nuk mund të jetë më e ulët se paga minimale, e përcaktuar në paragrafin e parë të kësaj pike.

(Ndryshuar me Vendim Nr. 73, dt. 12.2.2014 , botuar ne FI. Z. Nr. 21, dt. 03 mars 2014).

III. LLOJET, SHUMA DHE SHPËRNDARJA E KONTRIBUTEVE

Në mbështetje të neneve 9, 10, 14 e të ligjit nr. 10383, datë 24.2.2011 "Për sigurimin e detyrueshëm të kujdesit shëndetësor në Republikën e Shqipërisë", të ndryshuar, dhe të neneve 5, 6, 7, 8 dhe 9 të ligjit nr. 10383, datë 24.2.2011 "Për sigurimin e detyrueshëm të kujdesit shëndetësor në Republikën e Shqipërisë", të ndryshuar.

(Ndryshuar me Vendim Nr. 73, dt. 12.2.2014 , botuar ne FI. Z. Nr. 21, dt. 03 mars 2014).

1.Shuma minimale mujore e kontributeve për të gjitha degët e sigurimit, për periudhën nga data 1.8.2014 e në vazhdim, të jetë 5 415 (pesë mijë e katërqind pesëmbëdhjetë) lekë. Kontributi minimal mujor sipas degëve të sigurimit të jetë:në %në lekë

	në%	ne leke
Dega e sigurimit të sëmundjeve	0.3	58
Dega e sigurimit të barrë-lindjeve	1.4	272
Dega e sigurimit të pensioneve	21.6	4192
Dega e sigurimit të aksidenteve dhe sëmundjeve Profesionale	0.3	58
Dega e sigurimit të papunësisë	0.9	175
Sigurimet shëndetësore	3.4	660
(Ndryshuar me Vendim Nr. 457, datë 09.07.2014, botuar në Fletoren Zyrtare Nr. 112, datë 21 korrik 2014).		

2. Shuma minimale mujore e kontributit të sigurimit shëndetësor për të vetëpunësuarin dhe për pjesëtarët e familjes të patrajtuar me pagë, me përjashtim të të vetëpunësuarve në bujqësi, të jetë 3.4 për qind e dyfishit të pagës minimale mujore, e barabartë me 1 320 (një mijë e treqind e njëzet) lekë.
(Ndryshuar me Vendim Nr. 457, datë 09.07.2014, botuar në Fletoren Zyrtare Nr. 112, datë 21 korrik 2014).

3. Kontributi i detyrueshëm për sigurimet shoqërore e shëndetësore, për të punësuarin, duke filluar nga data 1.5.2009 e në vazhdim, të jetë 27.9% e pagës bruto mujore, sipas listëpagesës, ku pjesa e punëdhënësit të jetë 16.7% dhe pjesa e të punësuarit 11.2%. Kontributet llogariten nga punëdhënësi, mbi pagën bruto, të përcaktuar në këtë vendim. Ai mban nga paga e punëtorit 9.5%, për sigurim shoqëror, dhe 1.7% për sigurim shëndetësor, dhe, së bashku me pjesën e tij 15% të pagës, për sigurim shoqëror, dhe 1.7% të pagës, për sigurim shëndetësor, e deklaron dhe e paguan në llogarinë bankare, të përcaktuar për kontributet.

4. Kontributi i detyrueshëm për sigurimet shoqërore e shëndetësore, për të punësuarit me kontratë pune, që zgjat më pak se 87 orë në muaj, duke filluar nga data 1.5.2009 e në vazhdim, të jetë 26.7% të pagës bruto, sipas listëpagesës, ku pjesa e punëdhënësit të jetë 15.6% dhe pjesa e të punësuarit 11.1%, por jo më pak se niveli minimal i pagës bruto, të përcaktuar për llogaritjen e kontributit.

5. Kontributi i detyrueshëm për sigurimet shoqërore e shëndetësore, për të punësuarit me kontratë pune, që zgjat më pak se 1 javë, duke filluar nga data 1.5.2009 e në vazhdim, të jetë 3.7% të pagës bruto, sipas listëpagesës, ku pjesa e punëdhënësit të jetë 2% dhe pjesa e të punësuarit 1.7%, por jo më pak se niveli minimal i pagës mujore, të përcaktuar për llogaritjen e kontributit.
(Ndryshuar me Vendim nr.700, dt. 19.06.2009, botuar ne FI. Z. Nr.93 dt.24.06.2009).

6. I vetëpunësuarin, i vetëpunësuarin në ortakëri, i vetëpunësuarin, që punëson të tretë (me përjashtim të të vetëpunësuarit në bujqësi), duke filluar nga data 1.8.2014 e në vazhdim, të paguajë për vete një kontribut të detyrueshëm për sigurimet shoqërore, në masën 23 për qind të pagës mujore minimale prej 19406 (nëntëmbëdhjetë mijë e katërqind e gjashtë) lekësh, e barabartë me 4 463 (katër mijë e katërqind e gjashtëdhjetë e tre) lekë në muaj. I vetëpunësuarin, I vetëpunësuarin në ortakëri, i vetëpunësuarin, që punëson të tretë (me përjashtim të të vetëpunësuarit në bujqësi), duke filluar nga data 1.8.2014 e në vazhdim, të paguajë për vete një kontribut të detyrueshëm për sigurimet shëndetësore, në masën 3.4 për qind e dyfishit të pagës minimale mujore, e barabartë me 1 320 (një mijë e treqind e njëzet) lekë në muaj.

7. I vetëpunësuar, për pjesëtarët e familjes së tij mbi 16 vjeç, që nuk trajtohen me pagë, por që punojnë e bashkëjetojnë me të ligjërisht (me përjashtim të të vetëpunësuarit në bujqësi), duke filluar nga data 1.8.2014 e në vazhdim, të paguajë kontribut të detyrueshëm për sigurimet shoqërore, në masën 23 për qind të pagës mujore minimale prej 19 406 (nëntëmbëdhjetë mijë e katërqind e gjashtë) lekësh, e barabartë me 4 463 (katër mijë e katërqind e gjashtëdhjetë e tre) lekë në muaj. I vetëpunësuar, për pjesëtarët e familjes së tij mbi 18 vjeç, që nuk trajtohen me pagë, por që punojnë e bashkëjetojnë me të ligjërisht (me përjashtim të të vetëpunësuarit në bujqësi), duke filluar nga data 1.8.2014 e në vazhdim, të paguajë një kontribut të detyrueshëm për sigurimet shëndetësore, në masën 3.4 për qind e dyfishit të pagës minimale mujore, e barabartë me 1 320 (një mijë e treqind e njëzet) lekë në muaj.

(Ndryshuar me Vendim Nr. 457, datë 09.07.2014, botuar në Fletoren Zyrtare Nr. 112, datë 21 korrik 2014).

8. Kontributi i detyrueshëm për sigurimet shoqërore e shëndetësore, për personat, që kryejnë ndërtime të ulëta vetjake të të tretëve, sipas përcaktimeve në paragrafin e fundit të nenit 20 të ligjit nr.8438, datë 28.12.1998, duke filluar nga data 1.7.2008 e në vazhdim, do të jetë i njëjtë si edhe për të punësuarit e tjerë. Kontributet llogariten dhe paguhet në komunë ose bashki nga personi, i cili ka marrë lejen e ndërtimit.

9. Personat e vetëpunësuar në veprimtari tregtare apo shërbimi, ambulante, nga data 1.8.2014 e në vazhdim, të deklarojnë dhe të paguajnë kontribut minimal mujor, në shumën 4 070 (katër mijë e shtatëdhjetë) lekë, nga të cilat 2 750 (dy mijë e shtatëqind e pesëdhjetë) lekë për sigurime shoqërore dhe 1 320 (një mijë e treqind e njëzet) lekë për sigurime shëndetësore.

10. Personat mbi 18 vjeç, me të ardhura të rregullta nga pronësia e që nuk janë të punësuar diku tjetër, duke filluar nga 1.8.2014 e në vazhdim, të paguajnë një kontribut të detyrueshëm për sigurimet shëndetësore, në masën 3.4 për qind e dyfishit të pagës minimale mujore, e barabartë me 1 320 (një mijë e treqind e njëzet) lekë në muaj.

11. Të vetëpunësuarit në bujqësi, nga data 1.8.2014 e në vazhdim, të derdhin kontribut vjetor për sigurimet shoqërore, në masën 33 000 (tridhjetë e tre mijë) lekë, me përjashtim të të vetëpunësuarve, që banojnë në rrethet Bulqizë, Dibër, Gramsh, Has, Kolonjë, Kukës, Librazhd, Malësi e Madhe, Mat, Mirditë, Pukë, Skrapar, Tepelenë dhe Tropojë, për të cilët masa e kontributit vjetor është 25 300 (njëzet e pesë mijë e treqind) lekë.

12. Paga minimale mujore për efekt të llogaritjes së sigurimeve shëndetësore për të vetëpunësuarit në bujqësi është 4 620 (katër mijë e gjashtëqind e njëzet) lekë. Të vetëpunësuarit në bujqësi, nga data 1.8.2014 e në vazhdim, të derdhin kontribut mujor përsigurimet shëndetësore, në masën 3.4 për qind e dyfishit të pagës minimale mujore, për efekt të kontributeve të sigurimeve shëndetësore të të vetëpunësuarve në bujqësi, të barabartë me një vlerë 314 (treqind e katërmëdhjetë) lekë në muaj.

13. Për personat, që punojnë si punëtorë shtëpie, nga data 1.8.2014 e në vazhdim, të deklarohet dhe të paguhet kontribut minimal mujor në shumën 4 070 (katër mijë e shtatëdhjetë) lekë, nga të cilat 2 750 (dy mijë e shtatëqind e pesëdhjetë) lekë për sigurime shoqërore dhe 1 320 (një mijë e treqind e njëzet) lekë për sigurime shëndetësore.”.

(Ndryshuar me Vendim Nr. 457, datë 09.07.2014, botuar në Fletoren Zyrtare Nr. 112, datë 21 korrik 2014).

14. Kontributi i detyrueshëm për aksidente dhe sëmundje profesionale, për kohën e formimit profesional, të personave të punësuar në subjekte, që punojnë me material të porositësit, të jetë 0,3 për qind e pagës bruto minimale, dhe paguhet totalisht nga punëdhënësi.

(Ndryshuar me Vendim nr.700, dt. 19.06.2009, botuar ne Fl. Z. nr.93 dt. 24.06.2009).

IV. PROCEDURAT PËR REGJISTRIM

1. Subjektet, përpara fillimit të veprimtarisë ekonomike edhe për efekte të pagesës së kontributeve të sigurimeve shoqërore shëndetësore, regjistrohen në Qendrën Kombëtare të Regjistrimit, sipas procedurave të përcaktuara në ligjin nr.9723, datë 3.5.2007 "Për Qendrën Kombëtare të Regjistrimit", në organet tatimore apo në organet e pushtetit vendor, në përputhje me detyrimin për regjistrim, të përcaktuar në aktet ligjore dhe nënligjore, në fuqi.

2. Punëdhënësit dhe personat e vetëpunësuar, që e fillojnë veprimtarinë për herë të parë, paraqesin, në agjencitë e sigurimeve shoqërore, kopjen e certifikatës së identifikimit të personit të tatueshëm dhe regjistrimi bëhet sipas procedurës së përcaktuar në udhëzimin e ministrit të Financave. Pas pajisjes së shtetasve me letërnjoftimin elektronik, numri i sigurimit shoqëror zëvendësohet me numrin personal të identifikimit.

(Ndryshuar me Vendimin nr. 477, dt. 30.6.2010. botuar ne Fl. Z. nr. 76. dt.01.07 2010).

3. Bashkitë ose komunat, që japin lejen për një ndërtim të ulët vetjak, në çastin e dhënies së lejes dhe në bazë të dokumentacionit të paraqitur, regjistrojnë veprimtarinë në emër të marrësit të lejes, i cili me fillimin e punimeve, detyrohet të deklarojë punëmarrësit, të paraqesë listëpagesën mujore dhe të paguajë kontributet.

4. Personat e vetëpunësuar për herë të parë, në veprimtari, tregtare a shërbimi, ambulate, paraqesin, në agjencitë e sigurimeve shoqërore, kopjen e certifikatës së identifikimit të personit të tatueshëm dhe regjistrimi bëhet sipas procedurës së përcaktuar në udhëzimin e ministrit të Financave. Pas pajisjes së shtetasve me letërnjoftimin elektronik, numri i sigurimit shoqëror zëvendësohet me numrin personal të identifikimit.

(Ndryshuar me Vendimin nr. 477, dt. 30.6.2010. botuar ne Fl. Z. nr. 76. dt.01.07 2010).

5. Të vetëpunësuarit në bujqësi regjistrohen në agjencitë e sigurimeve shoqërore, pas paraqitjes së certifikatës së gjendjes civile dhe të njërit nga aktet e mëposhtme:

- Vërtetimin e pronësisë mbi tokën, lëshuar nga zyra e regjistrimit të pasurisë së paluajtshme, të komunës ose bashkisë;

- Aktin noterial, që vërteton tjetërsimin e pronës (p.sh. qiramarrje etj.).

Në çdo rast, aktet e mësipërme duhet të jenë të shoqëruara me vërtetimin e lëshuar nga komuna, ku cilësohet se personi ushtron veprimtari, bujqësore/blektorale.

6. Mbështetur në ligjin nr.10 418, datë 21.4.2011 "Për legalizimin e kapitalit dhe faljen e një pjese të borxhit tatimor e doganor", të vetëpunësuarit në bujqësi paguajnë kontributet për sigurimet shoqërore e shëndetësore, për vitin në vazhdim, pasi të kenë shlyer detyrimet e papaguara për sigurimet shoqërore, që nga data 1.1.2009.

Të vetëpunësuarit në bujqësi, të cilët nuk arrijnë të plotësojnë kushtin minimal të vjetërsisë në punë, për të përfituar pension të pjesshëm sipas dispozitave të ligjit nr. 10383, datë 24.2.2011 "Për sigurimin e detyrueshëm të kujdesit shëndetësor në Republikën e Shqipërisë", të ndryshuar mund të kryejnë pagesa kontributesh pas plotësimit të moshës për

pension, por me kusht që ato t'u korrespondojnë periudhave para plotësimit të moshës për pension dhe të mos jetë caktuar ende asnjë lloj pensioni.

(Ndryshuar me Vendim Nr.541, dt. 27.07.2011, botuar ne Fl. Z. Nr.104, dt. 07.08.2011).

(Ndryshuar me Vendim Nr. 73, dt. 12.2.2014 , botuar ne Fl. Z. Nr. 21, dt. 03 mars 2014).

6/1. Njihen periudha sigurimi për efekt të ligjit nr.7703, datë 11.5.1993 "Për sigurimet shoqërore në Republikën e Shqipërisë":

a) periudhat, nga data 1.10.1993 deri në datë 1.5.2004, për të cilat, të vetëpunësuarit në bujqësi kanë paguar kontribute deri në datën e hyrjes në fuqi të këtij vendimi, pavarësisht nga vendbanimi në kohën e kryerjes së pagesës.

b) periudhat nga data 1.9.1995 deri në datë 1.5.2004, për të cilat, të vetëpunësuarit në bujqësi kanë paguar kontribute deri në datën e hyrjes në fuqi të këtij vendimi, pavarësisht nga vendbanimi në kohën e kryerjes së pagesës, për rastet, kur toka është blerë, sipas ligjit nr.7983, datë 27.7.1995 "Për shitblerjen e tokës bujqësore, livadheve dhe kullotave", si dhe për rastet, kur toka është marrë me qira, me akt noterial.

Për njohjen e periudhave të sigurimit shoqëror, sipas shkronjave "a" dhe "b" të kësaj pike, të vetëpunësuarit në bujqësi duhet të paraqesin këto dokumente:

(Ndryshuar me Vendim nr. 1206, dt. 11.12.2009, botuar ne Fl. Z. nr. 177, dt. 21.12.2009).

c) periudhat nga data 1.9.1995 deri në datë 1.4.2006, për të cilat të vetëpunësuarit në bujqësi kanë paguar kontribute deri në datën 21.12.2009, të cilët vendbanimin e kanë në të njëjtin rreth ku kanë tokën, për rastet, kur toka është blerë, sipas ligjit nr.7983, datë 27.7.1995, "Për shitblerjen e tokës bujqësore, livadheve dhe kullotave", si dhe për rastet, kur toka është marrë me qira, me akt noterial.

(Ndryshuar me Vendimin nr. 477, dt. 30.6.2010. botuar ne Fl. Z. nr. 76. dt.01.07 2010).

i) Vërtetimin nga komuna/ bashkia se i interesuari ka tokë në pronësi ose në përdorim, duke cilësuar dhe datën, kur është përfutur kjo tokë.

ii) Certifikatën e gjendjes civile (në rastet e largimit, të shënohet dhe data e çregjistrimit nga regjistri i gjendjes civile).

iii) Vërtetimin nga komuna/bashkia se për këtë periudhë ka ushtruar veprimtari, bujqësore e blegtorale.

Instituti i Sigurimeve Shoqërore nxjerr aktet për trajtimin e të gjitha kërkesave të refuzuara për pension, para hyrjes në fuqi të këtij vendimi.

(Ndryshuar me Vendim nr. 1206, dt. 11.12.2009, botuar ne Fl. Z. nr. 177, dt. 21.12.2009).

7. Nuk është i detyrueshëm sigurimi dhe nuk mund të llogariten detyrimet e kontributeve e të kamatëvonesave për pjesëtarët e familjeve bujqësore, të vetëpunësuar në bujqësi, për periudhën që përfitojnë ndihmë ekonomike, sipas ligjit nr.7710, datë 18.5.1995 "Për ndihmat dhe përkujdesjen shoqërore". Periudhat, për të cilat nuk janë paguar kontributet, nuk njihen periudha sigurimi.

8. Kryefamiljarët, që punësojnë persona, si punëtorë shtëpie, i rregullojnë marrëdhëniet e punës, nëpërmjet një kontrate me shkrim, ndërmjet palëve, ku përveç të tjerave shënohen, detyrimisht, numri i sigurimit shoqëror të personit të punësuar, koha e fillimit të punës,

zgjatja e saj “me ose pa afat”, si dhe paga mujore bruto. Në këtë rast, kryefamiljari përcaktohet në rolin e punëdhënësit dhe si i tillë ka detyrimin për regjistrim në organet tatimore dhe për pajisjen nga këto organe me numrin e identifikimit të personit të tatueshëm (NIPT-i). Regjistrimi dhe çregjistrimi nga organet tatimore bëhen sipas një procedure të thjeshtuar, që përcaktohet me udhëzim nga Ministri i Financave. (Ndryshuar me Vendim nr. 1206, dt. 11.12.2009, botuar ne FI. Z. nr. 177, dt. 21.12.2009).

9. Formimi profesional nëpërmjet punës, për kualifikimin e punëmarrësit në një profesion të caktuar, të domosdoshëm për veprimtarinë ekonomike, realizohet nga punëdhënësi. Pjesëmarrja në trajnim, në rastet kur është parashikuar vetëm sigurimi për degën e aksidentit në punë, lejohet vetëm një herë dhe **jo më shumë se tre muaj për një person**. Koha e programuar e formimit profesional nëpërmjet punës, lloji i kualifikimit dhe lista e personave pjesëmarrës deklarohen zyrtarisht në zyrën përkatëse të punësimit, përpara fillimit të trajnimit.

(Ndryshuar me Vendim nr.1477, dt. 12.11.2008, botuar në FI. Z. Nr. 177 dt. 02.12.2008)

(Ndryshuar me Vendim nr. 376, dt. 8.4.2009, botuar ne FI. Z. Nr. 68 dt. 20.05. 2009).

V. PAGESA E KONTRIBUTEVE

1. Pagesa e kontributeve dhe e interesave të lidhura me to kryhet nga punëdhënësit dhe nga të vetëpunësuarit, sipas afateve të përcaktuara me ligj. Dokument bazë për pagesën e tyre është deklarata, njoftim i rivlerësimit dhe çdo dokument tjetër ligjor, i miratuar për këtë qëllim.

2. Punëdhënësi bën sigurimin e punëmarrësit, duke filluar nga dita e fillimit të punës, sipas përcaktimit në kontratën e punës apo në aktin e emërimit dhe vazhdon të paguajë kontribute gjatë të gjithë kohës, që vazhdojnë marrëdhëniet e punës. Kur fillimi dhe ndërprerja përfundimtare e marrëdhënieve të punës bëhen gjatë muajit, kontributet llogariten e paguhen në bazë të pagës së realizuar gjatë ditëve të punës.

3. Për rastet kur i njëjti person është ekonomisht aktiv në dy ose më shumë subjekte, pagesa e kontributit është e detyrueshme në çdo subjekt, sipas pagës, por jo më shumë se kontributi maksimal. Rregullat e llogaritjes së pagesës dhe të rimbursimeve të kontributit përcaktohen me udhëzim të Ministrit të Financave.

4. Të vetëpunësuarit në bujqësi i paguajnë kontributet e detyrueshme të sigurimeve shoqërore individualisht, një herë në tre muaj. Afati i pagesës së kontributeve është jo më vonë se dita e fundit e muajit të tretë, brenda çdo tremujori kalendarik.

5. SHFUQIZOHET

(Ndryshuar me Vendimin nr. 477, dt. 30.6.2010. botuar ne FI. Z. nr. 76. dt.01.07 2010).

6. Instituti i Sigurimeve Shoqërore furnizon punëdhënësit dhe të vetëpunësuarit me librezat e sigurimeve, shoqërore dhe shëndetësore. Punëdhënësi pajis të punësuarit e tij me librezën e kontributeve të sigurimeve, shoqërore e shëndetësore, dhe i plotëson ato çdo muaj në datën e pagesës së pagës mujore. Për të vetëpunësuarit dhe pjesëtarët e familjes të patrajtuar me pagë, si dhe për punëmarrësit e punësuar te i vetëpunësuar, që ka statusin "i vetëpunësuar me punëmarrës", librezat e kontributeve plotësohet dhe vërtetohet nga strukturat lokale, të autorizuar, të Institutit të Sigurimeve Shoqërore

Të vetëpunësuarit në bujqësi, të cilët nuk arrijnë të plotësojnë kushtin minimal të vjetërsisë në punë, për të përfitur pension të pjesshëm sipas dispozitave të ligjit nr. 10383, datë 24.2.2011 "Për sigurimin e detyrueshëm të kujdesit shëndetësor në Republikën e Shqipërisë", të ndryshuar, mund të kryejnë pagesa kontributeve edhe pas plotësimit të moshës për pension, por me kusht që ato t'u korrespondojnë periudhave para plotësimit të moshës për pension.

(Ndryshuar me Vendim Nr. 73, dt. 12.2.2014, botuar ne FI. Z. Nr. 21, dt. 03 mars 2014).

(Ndryshuar me Vendim Nr.414, dt. 27.06.2012, botuar ne FI. Z. nr. 78, dt. 9.07.2012)..

Të vetëpunësuarit në bujqësi paguajnë kontributet për sigurimet, shoqërore dhe shëndetësore, për vitin 2012 e në vazhdim, pavarësisht se mund të jenë të pasiguruar për vitet pararendëse. Periudhat, për të cilat nuk janë paguar kontributet, nuk njihen periudha sigurimi.

Të vetëpunësuarit në bujqësi, të cilët nuk i kanë paguar kontributet e sigurimeve shoqërore për periudhat e kaluara, por që i kanë pasur kushtet për t'u siguruar si të vetëpunësuar në bujqësi, pavarësisht nga vendbanimi aktual, mund t'i paguajnë kontributet me kuotat e vitit përkatës, së bashku me kamatëvonesat e llogaritura.

(Ndryshuar me Vendim Nr.414, dt. 27.06.2012, botuar ne FI. Z. nr. 78, dt. 9.07.2012)..

7. Për personat e përcaktuar në pikën 8 të kreut III të këtij vendimi, kontributet e sigurimeve shoqërore dhe shëndetësore, vilen dhe transferohen në llogaritë bankare, të përcaktuara për kontributet, nga bashkitë ose komunat, të cilat administrojnë edhe dokumentacionin përkatës. Procedurat caktohen me udhëzim të Ministrit Financave.

8. Personat e vetëpunësuar në veprimtari tregtare apo shërbimi, ambulantë pajisen me librezën e kontributit të sigurimit shoqërore, nga struktura e sigurimeve shoqërore, e cila është e detyruar ta plotësojë atë në bazë të kontributeve të paguara. Pagesa e kontributeve bëhet çdo tre muaj, në bazë të të njëjtave rregulla si pagesa e kontributeve nga personat e tjerë, të vetëpunësuar në biznesin e vogël.

9. Në tremujorin pasardhës të vetëpunësuarit, pjesëtarët e papaguar të familjes, punëmarrësit e punësuar te i vetëpunësuar, që ka statusin "i vetëpunësuar me punëmarrës", të vetëpunësuarit në veprimtari ambulante dhe të vetëpunësuarit në bujqësi vlerësohen të siguruar, nëse i kanë paguar kontributet e tremujorit pararendës brenda afateve të përcaktuara me ligjin nr.7703, datë 1.5.1993 "Për sigurimet shoqërore në Republikën e Shqipërisë", të ndryshuar.

(Ndryshuar me Vendim Nr.414, dt. 27.06.2012, botuar ne FI. Z. nr. 78, dt. 9.07.2012)..

*** 10. Kontributet e sigurimeve shoqërore dhe shëndetësore, sipas këtij vendimi, për personat e punësuar si punëtorë shtëpie, paguhen nga kryefamiljari, i përcaktuar si punëdhënës, në llogaritë bankare, të përcaktuara sipas procedurave, të vendosura për këtë qëllim. Pagesa e kontributeve bëhet çdo tre muaj, sipas rregullave për pagesat e kontributeve nga personat e vetëpunësuar në biznesin e vogël. Këta persona, sikurse dhe personat e vetëpunësuar në veprimtari tregtare apo shërbim, ambulantë, pajisen me librezën e kontributit, nga struktura e sigurimeve shoqërore dhe shëndetësore, të cilat janë të detyruara ta plotësojnë në vijimësi, në bazë të kontributeve të paguara, dhe vlerësohen të siguruar, për efekt mbrojtjeje nga sigurimet shoqërore dhe shëndetësore, nëse i kanë paguar kontributet e tremujorit pararendës. Në këtë rast në librezë shënohet "Të siguruar vetëm për pension".

(Ndryshuar me Vendim nr.1477, dt. 12.11.2008, botuar në Fl. Z. Nr. 177 dt. 02.12.2008)

(Ndryshuar me Vendim Nr. 73, dt. 12.2.2014 , botuar ne Fl. Z. Nr. 21, dt. 03 mars 2014).

VI. PROCEDURAT E KALIMIT TË KONTRIBUTEVE DHE MBLEDHJA E BORXHEVE

1. Kontributet paguhen në llogaritë bankare, të përcaktuara për këtë qëllim, të çelura në bankat e nivelit të dytë apo edhe nëpërmjet Postës Shqiptare sh.a., për llogari të Drejtorisë së Përgjithshme të Tatimeve, e cila është përgjegjëse për administrimin e këtyre llogarive si për të gjitha llogaritë e tjera për të ardhurat tatimore.

2. Bankat e nivelit të dytë, në fund të çdo dite, raportojnë, në mënyrë të hollësishme, në Bankën e Shqipërisë, për gjendjen progresive të këtyre llogarive, për të cilën njoftohet, nëpërmjet Drejtorisë së Përgjithshme të Thesarit, Instituti i Sigurimeve Shoqërore dhe Fondit i Sigurimit të Detyrueshëm të Kujdesit Shëndetësor. Procedurat e evidentimit, të njoftimit dhe të kalimit të kontributeve në llogaritë e fondit të sigurimeve shoqërore dhe në fondin e sigurimeve shëndetësore përcaktohen me udhëzim të Ministrit të Financave.

(Ndryshuar me Vendim Nr. 73, dt. 12.2.2014 , botuar ne Fl. Z. Nr. 21, dt. 03 mars 2014).

3. Kontributet e sigurimeve shoqërore dhe shëndetësore, nga të vetëpunësuarit në bujqësi dhe të siguruarit në mënyrë vullnetare, paguhen në llogaritë bankare apo në zyrat e Postës Shqiptare sh.a., sipas marrëveshjeve ndërmjet tyre dhe Institutit të Sigurimeve Shoqërore.

4. Kontributet e papaguara në afatet e përcaktuara vlerësohen detyrim ndaj fondit të sigurimeve shoqërore. Kontributet e sigurimeve shëndetësore vullnetare derdhen në llogaritë bankare të Fondit të Sigurimit të Detyrueshëm të Kujdesit Shëndetësor.

(Ndryshuar me Vendim Nr. 73, dt. 12.2.2014 , botuar ne Fl. Z. Nr. 21, dt. 03 mars 2014).

5. Për subjektet, juridike dhe fizike, përveç personave të vetëpunësuar në bujqësi, shuma e detyrimit kontributiv dhe e interesave llogaritet, evidentohet dhe administrohet nga administrata tatimore, e cila është përgjegjëse edhe për vjeljen e detyrimeve të prapambetura, që këto subjekte kanë ndaj sigurimeve shoqërore. Për subjektet debitore aktive me detyrime të prapambetura në organet e sigurimeve shoqërore dhe të paarkëtuara deri më 1.7.2010 të bëhet transferimi i detyrimeve të prapambetura të tyre në organet tatimore.

(Ndryshuar me Vendimin nr. 477, dt. 30.6.2010. botuar ne Fl. Z. nr. 76. dt.01.07 2010).

6. Për personat e vetëpunësuar në bujqësi, shuma e detyrimit kontributiv dhe e kamatëvonesave llogaritet nga administrata e sigurimeve shoqërore. Dokument bazë për llogaritjen dhe evidentimin e tij është aktdetyrimi tip, ku, përveç të dhënave të tjera, shënohet edhe pronësia mbi tokën, sipas zyrës së regjistrimit të pasurive të paluajtshme. Aktdetyrimi hartohet nga administrata e sigurimeve shoqërore, jo më vonë se një muaj nga kalimi i afatit ligjor për pagesën e kontributeve. Shuma e detyrimeve për kontributet e sigurimeve shoqërore dhe kamatëvonesat evidentohen në kontabilitetin e sigurimeve shoqërore.

VIII. SHUMA BAZË E PËRFITIMEVE

1. Në mbështetje të neneve 2, 32, 36 e 48, të ligjit nr. 7703, datë 11.5.1993, “Për sigurimet shoqërore në Republikën e Shqipërisë”, të ndryshuar, shuma bazë e përfitimit, nga data 1.8.2014 e në vazhdim, të jetë 12 264 (dymbëdhjetë mijë e dyqind e gjashtëdhjetë e katër) lekë në muaj.

2. Në mbështetje të nenit 96, të ligjit nr. 7703, datë 11.5.1993, “Për sigurimet shoqërore në Republikën e Shqipërisë”, të ndryshuar, shuma e përfitimit për personat, që nuk plotësojnë kushtet për përfitimin e masës së pensionit, të përcaktuar në pikën 1, të këtij kreu, nga data 1.8.2014 e në vazhdim, të jetë 8 398 (tetë mijë e treqind e nëntëdhjetë e tetë) lekë në muaj.

3. Në mbështetje të pikës 4, të nenit 27, të ligjit nr. 7703, datë 11.5.1993, “Për sigurimet shoqërore në Republikën e Shqipërisë”, të ndryshuar, shuma bazë e përfitimit për gratë, të cilat e kanë periudhën e fundit të sigurimit si të vetëpunësuar në bujqësi, nga data 1.8.2014 e në vazhdim, të jetë 8 398 (tetë mijë e treqind e nëntëdhjetë e tetë) lekë në muaj.

(Ndryshuar me Vendim Nr. 457, datë 09.07.2014, botuar në Fletoren Zyrtare Nr. 112, datë 21 korrik 2014).

1. Në mbështetje të neneve 2, 32, 36 e 48 të ligjit nr. 10383, datë 24.2.2011 “Për sigurimin e detyrueshëm të kujdesit shëndetësor në Republikën e Shqipërisë”, të ndryshuar, shuma bazë e përfitimit nga data 1.8.2013 e në vazhdim, të jetë 12 024 (dymbëdhjetë mijë e njëzet e katër) lekë në muaj.

(Ndryshuar me Vendim Nr. 73, dt. 12.2.2014 , botuar ne FI. Z. Nr. 21, dt. 03 mars 2014).

2. Në mbështetje të nenit 96 të ligjit nr. 10383, datë 24.2.2011 “Për sigurimin e detyrueshëm të kujdesit shëndetësor në Republikën e Shqipërisë”, të ndryshuar, shuma e përfitimit për personat, që nuk plotësojnë kushtet për përfitimin e masës së pensionit, të përcaktuar në paragrafin e parë të këtij neni, nga data 1.8.2013 e në vazhdim, të jetë 8 233 (tetë mijë e dyqind e tridhjetë e tre) lekë në muaj.

(Ndryshuar me Vendim Nr. 73, dt. 12.2.2014 , botuar ne FI. Z. Nr. 21, dt. 03 mars 2014).

3. Në mbështetje të pikës 3 të nenit 27 të pikës 2 të nenit 59 dhe të nenit 60 të ligjit nr. 7703, datë 11.5.1993 “Për sigurimet shoqërore në Republikën e Shqipërisë”, të ndryshuar, baza e vlerësuar mujore, për efekt të llogaritjes të të ardhurave për barrë-lindje, për rastet kur e drejta e përfitimit ka lindur, por përfituesja nuk ka pagë gjatë gjithë muajve të vitit të fundit kalendarik, llogaritet duke bashkuar shumën e pagave faktike për muajt që është derdhur kontribut për sigurimet shoqërore me shumën e pagave minimale, të përcaktuara për efekt të derdhjes së kontributit të sigurimit shoqëror për muajt pa kontribut, pjesëtuar me 12 muaj.

4. Në mbështetje të pikës 4 të nenit 27 të ligjit nr. 10383, datë 24.2.2011 “Për sigurimin e detyrueshëm të kujdesit shëndetësor në Republikën e Shqipërisë”, të ndryshuar shuma bazë e përfitimit për gratë, të cilat e kanë periudhën e fundit të sigurimit si të vetëpunësuar në bujqësi, nga data 1.8.2013 e në vazhdim, të jetë 8 233 (tetë mijë e dyqind e tridhjetë e tre) lekë në muaj.

(Ndryshuar me Vendim Nr. 581, dt. 17.7.2013, botuar ne FI. Z. Nr. 125, dt. 30 korrik 2013).

(Ndryshuar me Vendim Nr. 73, dt. 12.2.2014 , botuar ne FI. Z. Nr. 21, dt. 03 mars 2014).

IX. PAGESA E PËRFITIMEVE

1. Përfitimet afatshkurtra për sëmundje, barrëindje dhe aksidente në punë e sëmundje profesionale, në favor të të punësuarit, llogariten nga punëdhënësi, ndërsa për personat fizikë, nga strukturat vendore të sigurimeve shoqërore. Fondet për mbulimin e këtyre pagesave transferohen nga llogaritë e sigurimeve shoqërore në llogarinë e personit, juridik apo fizik, ose në llogarinë individuale të përfituesit, pranë bankave të nivelit të dytë, një herë në muaj, pas miratimit nga administrata e sigurimeve shoqërore të listëpagesës. Procedura e kontrollit dhe e miratimit të llogaritjeve përcaktohet me rregullore të Institutit të Sigurimeve Shoqërore.
2. Përfitimet mujore afatgjata u paguhen përfituesve, nëpërmjet Postës Shqiptare sh.a., dhe bankave të nivelit të dytë. Rregullat dhe procedurat e pagesës përcaktohen me marrëveshje ndërmjet palëve.
3. Këstet mujore të pensioneve dhe të përfitimeve të tjera, që llogariten nga administrata e sigurimeve shoqërore, u paguhen përfituesve, në total, në shuma të plota dhjetëlekëshe, duke u rrumbullakosur vetëm shifrën e fundit. Kur shifra e fundit është mbi 5, bëhet 10 dhe kur shifra e fundit është më e vogël se 5, bëhet zero. Rrumbullakimi, sipas rastit, zbatohet në kolonën, ku evidentohet shuma e pensionit.

X. BASHKËPUNIMI NDËRMJET INSTITUCIONEVE

1. Marrëdhëniet administrative e financiare, ndërmjet Ministrisë së Financave, **Ministria e Mirëqenies Sociale dhe Rinisë**, Ministrisë së Shëndetësisë, Institutit të Sigurimeve Shoqërore, Institutit të Sigurimit të Kujdesit Shëndetësor, Bankës së Shqipërisë, Drejtorisë së Përgjithshme të Tatimeve, bankave të nivelit të dytë dhe Postës Shqiptare sh.a. rregullohen me akte nënligjore dhe me marrëveshje të përbashkëta.
(Ndryshuar me Vendim Nr. 73, dt. 12.2.2014 , botuar ne Fl. Z. Nr. 21, dt. 03 mars 2014).

2. Procedurat e regjistrimit dhe të pagesës së kontributeve të sigurimeve shoqërore dhe shëndetësore, për kategori të veçanta personash, realizohen nga Drejtoria e Përgjithshme e Tatimeve, e cila, në varësi të veprimtarisë, ambulatorë apo të veçantë, lidh marrëveshje Bashkëpunimi edhe me organe të tjera shtetërore.

3. Drejtoria e Përgjithshme e Shërbimeve të Transportit Rrugor kontrollon edhe dokumentacionin, që vërteton pagimin e kontributeve të sigurimeve shoqërore nga personat, e punësuar dhe të vetëpunësuar në veprimtari transporti. Kjo drejtori nuk do të ofrojë asnjë shërbim, nëse drejtuesit e mjeteve nuk kanë shlyer detyrimet për sigurimet shoqërore dhe ato tatimore.

XI. DISPOZITA TË FUNDIT

1. Ngarkohen Ministria e Financave, Ministria e Shëndetësisë, Instituti i Sigurimeve Shoqërore, Instituti i Sigurimit të Kujdesit Shëndetësor dhe Drejtoria e Përgjithshme e Tatimeve të nxjerrin udhëzimet e nevojshme, në zbatim të këtij vendimi.
2. Vendimet nr.771, datë 13.11.2003 "Për mbledhjen e kontributeve të detyrueshme të sigurimeve shoqërore dhe shëndetësore në Republikën e Shqipërisë", dhe nr.167, datë 29.3.2006 "Për disa çështje në zbatim të ligjit nr. 10383, datë 24.2.2011 "Për sigurimin e detyrueshëm të kujdesit shëndetësor në Republikën e Shqipërisë", të ndryshuar dhe të ligjit nr.7870, datë 13.10.1994 "Për sigurimet shëndetësore në Republikën e Shqipërisë", të ndryshuar", të Këshillit të Ministrave, shfuqizohen.

(Ndryshuar me Vendim Nr. 73, dt. 12.2.2014 , botuar ne Fl. Z. Nr. 21, dt. 03 mars 2014).

Ky vendim hyn në fuqi pas botimit në Fletoren Zyrtare dhe i shtrin efektet nga data 1.7.2008.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1.7.2010.

Ky vendim hyn në fuqi pas botimit në Fletoren Zyrtare dhe i shtrin efektet nga data 1.7.2011

Ky vendim hyn në fuqi pas botimit në Fletoren Zyrtare dhe i shtrin efektet nga data 1.7.2012.

Ky vendim hyn në fuqi pas botimit në Fletoren Zyrtare dhe i shtrin efektet nga data 1.8.2013.

Ky vendim hyn në fuqi pas botimit në Fletoren Zyrtare dhe i shtrin efektet nga data 1.1.2014.

KRYEMINISTRI
Sali Berisha

Ky vendim hyn në fuqi pas botimit në Fletoren Zyrtare dhe i shtrin efektet nga data 1.8.2014.

KRYEMINISTRI
Edi Rama

Ndryshuar me Vendim nr.1477, datë 12.11.2008, botuar në Fletoren Zyrtare Nr. 177 datë 02.12.2008

Ndryshuar me Vendim nr. 376, date 8.4.2009, botuar ne Fletoren Zyrtare Nr. 68 date 20.05.2009.

Ndryshuar me Vendim nr.700, date 19.06.2009, botuar ne Fletoren Zyrtare Nr.93 24.06.2009.

Ndryshuar me Vendim nr. 1206, date 11.12.2009, botuar ne Fletoren Zyrtare nr. 177, dt. 21.12.2009.

Ndryshuar me Vendimin nr. 477, dt. 30.6.2010. botuar ne Fletoren Zyrtare nr. 76. dt,01.07 2010.

Ndryshuar me Vendim Nr.541, date 27.07.2011, botuar ne Fletoren Zyrtare Nr.104, date 07.08.2011

Ndryshuar me Vendim Nr.414, date 27.06.2012, botuar ne Fletoren Zyrtare nr. 78, date 9.07.2012.

Ndryshuar me Vendim Nr. 581, date 17.7.2013, botuar ne Fletoren Zyrtare Nr. 125, date 30 korrik 2013.

Ndryshuar me Vendim Nr. 73, datë 12.2.2014 , botuar ne Fletoren Zyrtare Nr. 21, date 03 mars 2014.

Ndryshuar me Vendim Nr. 457, datë 09.07.2014, botuar në Fletoren Zyrtare Nr. 112, datë 21 korrik 2014.